

書名 藝文類聚一百卷 嘉靖中天水胡纘宗刊本
撰者 唐 歐陽詢 撰
卷 卷七
內容分類 子-類書 彙考-唐五代
索書號 子部-類書-2
編號 C5912500

彩色首頁1

東洋文化研究所漢籍目錄 編號: C5912500
東洋文化研究所漢籍目錄所藏漢籍善本文影像資料庫 索書號: 子部-類書-2
漢籍善本文影像資料庫文本 藝文類聚一百卷 嘉靖中天水胡纘宗刊本
版權所有: 東京大學 東洋文化研究所
使用上的注意事項

卷七

藝文類聚卷第一

唐太子率更令弘文館學士歐陽詢撰

天部上天日月星雲風

天

曰大哉乾元萬物資始乃統天雲行雨施品物流形大明終始六位
時乘六龍以御天乾道變化各正性命 又曰立天之道曰陰與陽
又曰皇天震怒命我文考
大行健 尚書曰乃命羲和欽若昊天 又曰皇天震怒命我文考
大威 禮記曰天地之道博也厚也高也明也悠也久也日月星辰
敷於地 論語曰天何言哉四時行焉百物生焉 老子曰天得
以清 春秋繁露曰天有十端天地陰陽水土金木火人凡十端天亦
氣哀樂之心與人相副以類合之天人一也 爾雅曰穹蒼蒼天
蒼蒼天夏爲昊天秋爲旻天冬爲上天 春秋元命苞曰天不足西
於九故天周九八十一萬里 渾天儀曰天如雞子天大地小
有水地各乘氣而立載水而浮天轉如車轂之運 黃帝素問曰



所究研京東院學化文方東

No. 41 三

1 2 3 4 5 6 7 8 9 10 1 2 3 4 5 6 7 8 9 10





藝文類聚卷第七

山部上

惣載山

崑崙山

嵩高山

華山

衡山

廬山

太行山

荆山

鍾山

北芒山

天台山

首陽山

燕然山

羅浮山

九疑山

惣載山

春秋說題辭曰山之爲言宣也含澤布氣調五神也 國語曰禹封九山

山者土之聚也 論語曰仁者樂山 春秋元命苞曰山者氣之包含所

含精藏雲故觸石布山 爾雅曰山西曰夕陽山東曰朝陽 又曰山大

而高曰崧山小而高曰岑多草木曰岵無草木曰岵石戴土謂之崔嵬土

戴石爲砒 禮記曰夫山一拳石之多及其廣大草木生之禽獸居之寶

藏興焉 史記曰黃帝東至于海登九山西至于崆峒登雞頭南至熊湘

北逐獯鬻合符崆峒 蜀王本紀曰天爲蜀王生五丁力士能獻山秦王

獻美女與蜀王蜀王遣五丁迎女見一大蛇入山穴中五丁并引蛇山崩

秦五女皆上山化爲石 河圖曰武關山爲地門上爲天高星主因圍岐

山在崑崙東南爲地乳上爲天糜星汶山之地爲井洛帝以會昌神以建
福上爲天井 呂氏春秋曰何謂九山會稽太山王屋首陽山太華岐山
太行羊腸孟門 漢名臣奏曰漢得陰山匈奴長老過之未嘗不哭 地
鏡曰入名山必先齋五十日牽白犬抱白雞以鹽一勝山神大喜芝草異
藥寶玉爲出未到山百步呼曰林林央央此山王名知之却百邪 袁崧
宜都記曰郡西北陸行四十里有丹山山間時有赤氣籠蓋林嶺如丹色
因以名山 又曰自西陵東北陸行百二十里有方山其嶺四方素崖如
壁天清明時有黃影似人像山上有神祠場特生一竹茂好其標垂場中
場中有塵埃則風起動此竹拂去如灑掃者 盛弘之荊州記曰宜都西
南峽中有黃牛山江湍紆迴途經信宿猶望見之行者語曰朝發黃牛暮
宿黃牛三日三暮黃牛如故 又曰桂陽郡西南五十里有萬歲山有石
室鍾乳山上悉生靈壽木 又曰武陵舞陽縣有淳于白雉二山在寧州
武陵二界畔絕壑之半有一石雉遠望首尾可長二丈伸足翔翼若虛中
翻飛頭綴著石 又曰衡山有三峯極秀一峯名紫蓋 又曰宜都夷道

縣西南九十里有望州山四面壁立登此見一州內東有涌泉欲雨輒有
赤氣故名丹水 又曰宜都宜昌縣三峽七百里兩岸達山略無絕處漁
者歌曰巴東三峽巫峽長 荆南圖制曰宜都夷陵縣東六十里南岸有
荆門山北有虎牙二山相對虎牙有石壁其文黃赤又似虎牙形荆門山
上合下空有若門象 又曰鄧城西七里有作樂山諸葛亮常登此山爲
梁甫吟 又曰襄陽郡中廬縣西百三十里有馬穴山傍有一地道云漢
時有馬出其中事具馬部 又曰宜都夷陵縣西八十里有高筐山古老相傳堯
時大水此山不沒如筐篚因以爲名 又曰巴東昆陽縣東南十里有栢
枝山有石泉口方數丈中有魚 又曰宜都夷道縣北有女觀山昔有思
婦登山絕望懷思而死葬之山頂山遂枯悴因以名山 庾仲雍湘中記
曰桂陽郴縣東北五里有馬嶺山高六百餘丈蘇耽所栖遊處因而得仙
後有見耽乘白馬還此山中世因名爲馬嶺 晏子春秋曰齊景公召群
臣問曰天不雨久矣民有饑色吾卜祟在高山廣澤寡人欲祠靈山可乎
晏子曰夫靈山因以石爲身以草木爲毛髮天久不雨髮將焦身將熱獨

不欲雨乎祠之何益 淮南子曰牛蹄之涔無尺之鯉頽府之山無丈之材所以然者何也皆其營守狹小而不能容巨大 韓詩外傳曰仁者何以樂山山者萬物之所瞻仰也草木生焉萬物殖焉飛鳥集焉走獸休焉吐生萬物而不私焉出雲導風天地以成國家以寧此仁者所以樂山 張璠漢記曰梁冀聚土築山十里九坂以象二嶠窮極工巧積金玉明珠克初其中 相家書曰青鳥子稱山望之如却月形或如覆舟葬之出富貴山望之如雞栖葬之滅門山有重疊望之如鼓吹樓葬之連州二千石遊名山志曰玉溜山一名地肺山一名浮山 魏志曰明帝鑿太行山之石英採穀城之文石起景陽山於芳林園 王韶之始興記曰郡東有玉山草木滋茂泉石澄潤 鄧德明南康記曰平固縣覆笥山上有笥貯玉牒記故山因笥爲名焉 晉庾闡登楚山詩曰拂駕升西嶺寓目臨浚波想望七德耀詠此九功歌龍駟釋陽林朝服集三河迴首盼宇宙一無濟邦家 晉王凝之妻謝氏詩曰峩峩東嶽高秀極冲清天巖中閒虛宇寂漠幽以玄非工復非匠雲構發自然器象爾何物遂令我屢遷逝將宅

斯宇可以盡天年 宋孝武遊覆舟山詩曰束髮好怡衍弱冠頗流薄素想終勿傾軋來果丘壑層峯亘天維曠渚綿地絡逢臯列神苑遭茲樹仙閣松塏含青暉荷源煜彤爍川界泳遊鱗巖庭響鳴鶴 又登作樂山詩曰脩路軫孤轡竦石頓飛轅遂登千尋首表裏望丘原屯煙擾風穴積木溺雲根漢潦吐新波楚山帶舊苑壤草凌故國拱水秀頽垣目極情無屈客思空已繁 又登魯山詩曰解帆憩通渚息徒憑椒丘粵值風景和升高從遠眸紀鄧窮西路湘夢極南流杳哉漢陰水浩焉江界脩 宋謝靈運往北山經湖中詩曰石橫水分流林密蹊絕蹤初篁苞綠籜新蒲含紫茸海鷗戲春岸天雞弄和風 宋宗炳登白鳥山詩曰我徂白鳥山因名感昔擬仰升數百仞俯覽眇千里杲杲羣木分岌岌衆巖起 又登半石山詩曰清晨陟阻崖氣志洞蕭灑嶺谷崩地幽窺石凌天委長松列疎庸萬樹巉巖詭上施神農蘿下疑堯時隨 齊謝朓和王著作登八公山詩曰東限瑯瑯臺西距孟諸陸阡眠起雜樹壇樂陰脩竹日隱瀾疑空雲聚岫如複出沒眺樓雉遠近送春目 又遊敬亭山詩曰茲山亘百里合沓

與雲齊上干蔽白日下屬帶迴溪交藤荒且蔓根枝聳復低獨鶴方朝唳
錢颺此夜啼泄雲已漫漫多雨亦淒淒 梁沈約遊金華山詩曰遠策追
夙心靈山協久要天倪臨紫闕地道通丹竅未乘琴高鯉且縱嚴陵釣若
蒙羽駕迎得奉金書召高馳入閭闔方覩靈妃笑 又留真人東山還詩
曰運峯竟無已積翠遠微微寥戾野風急芸黃秋草肥我來歲云暮於此
悵懷歸霜雪方共下寧止露霑衣待余兩岐秀去去掩柴扉 梁范雲登
三山詩曰仄迕崩且危叢巖竦復垂石藤多卷節木樹饒蟠枝海中昔自
重江上今如斯 梁江淹歷山詩曰愁生白露日思起 伏風年竊悲杜蘅
暮攬涕即空山落葉下楚水別鶴噪吳田嶂氣陰不極 日色半虧天酒至
情蕭瑟憑樽還惘然 又遊黃檗山詩曰長望竟何極閩雲連越邊南州
饒奇怪赤縣多靈仙金峯各虧日銅石共臨天陽岫昭鸞采陰谿噴龍泉
雞鳴丹壁上猿嘯青崖間 梁任昉奉和登影陽山詩曰物色感神遊升
高張有闕南望銅駝街北走長楸別澗苑滄溟疏山駕瀛碣奔鯨吐華
山司南動輕柅目下重門照雲開九華澈觀閣降舊恩 奉岳愧前哲 梁

庾肩吾遊甌山詩曰去子平已 又餘風今復追未必遊春草王孫自不歸
寒雲間石起秋葉下山飛 周王褒明慶寺石壁詩曰夏水懸臺際秋泉
帶雨餘石生銘字長山父谷神虛 又雲居寺高頂詩曰中峯雲已合絕
頂日猶晴邑居隨望近風煙對眼生 周庾信陪駕幸終南山詩曰玉山
乘四載瑤池宴八龍龜橋浮少海鵠蓋上中峯飛狐橫塞路白馬當河衝
水奠三川后山封五樹松長虹雙瀑布圓闕兩芙蓉戍樓鳴夕鼓山寺響
晨鐘新蒲節轉促短筇籜猶重樹宿含櫻鳥花留釀蜜蜂迎風下列蛺蝶
酒召昌容且欣陪北上方欲待東封 陳張正見賦得山卦名詩曰蓬萊
遁羽客巖穴轉蒙籠雲歸仙井暗霧解石橋通影帶臨峯鶴形隨雜雨風
尋師不失路咸欲馭飛鴻 賦 魏劉楨黎陽山賦曰自魏都而南邁迄洪
川以竭休想王旅之旌旄望南路之遐脩御輕駕而西徂過舊塢之高區
爾乃踰峻嶺超連罡一登九息遂臻其陽南蔭黃河左覆金城青壇承祀
高碑頌靈珍木駢羅奮華揚榮雲興風起蕭瑟清冷延首南望顧瞻舊鄉
桑梓增敬慘切懷傷河源汨其東遊陽鳥飄而南翔觀衆物之集華退欣

欣而樂康 晉潘岳登虎牢山賦曰辭京輦兮遙邁將遠遊兮東夏朝發
軻兮帝壙夕結軌兮中野憑脩坂兮停車臨寒泉兮飲馬眷故鄉之遼隔
思紆軫以鬱陶步玉趾以升降凌汜水而登虎牢覽河洛之二川眺成平
之雙阜崇嶺巖以崔崒幽谷豁以寥寥路逶迤以迫隘林廓落以蕭條爾
乃仰蔭嘉木俯藉芳卉青煙鬱其相望棟宇懷以鱗萃彼登山而臨水因
先詰之所哀矧去鄉而離家邈長辭而遠乖望歸雲以歎息腸一日而九
迴良勞者之詠事爰寄言以表懷 晉郭璞巫咸山賦曰蓋巫咸者實以
鴻術爲帝堯醫生爲上公死爲貴神豈封斯山而因以名之乎伊巫咸之
名山崛孤停而嶸峙體岑峭以隆頽冠崇嶺以峻起配華霍以助鎮致靈
潤乎百里爾乃寒泉懸通浚湍流帶林薄叢龍幽蔚隱藹八風之所歸起
遊鳥之所喧會潛瑕石揚蘭茝迴翔鵷集凌鶴鷯翳禽鳥栖陽以晨鳴熊
虎窟陰而夕嘒 梁江淹江上之山賦曰挂青蘿兮萬仞豎丹石兮百重
百重兮崑崙如斷兮如削波潮兮吐納嶼岸兮積沓見紅草之交生眺碧
樹之四合草自然而千華樹無情而百色嗟世道之異茲牽憂患而來逼

梁吳筠八公山賦曰峻極之山蓄聖表仙南參差而望越北邇迤而懷燕
爾其盤桓基固含陽藏霧絕壁峻巖層巖迴互桂皎月而常團雲望空而
自布袖以華閨帶以潛淮文星亂石藻日流堦若夫神基巨鎮而卓犖荆
河箕風畢雨育嶺生我高岑直兮蔽景脩坂出兮架天以迎雲而就日若
從漢而迴山露泣葉而原淨花照磯而岫鮮促嶂萬尋平崖億絕上被紫
而煙生傍帶花而來雪維英王兮好仙會八公兮小山駕飛龍兮翩翩高
馳翔兮冲天 陳張正見山賦曰何神山之峻美諒苞結之所成東垂曰
泰南服稱衡西戎所擅北狄標名於是堯值洪流滔天襄陵禹敷水上奠
高槎木衆川既導群岳自脩潛通四瀆鎮壓九州森羅辰象吐吸雲霧深
不可測遠不可步於廓靈山長爲作固爾其爲狀也則武當太和武功太
白崑崙五門扶寧三石峰高一萬峭峙三百登而眺之則千里無極俯而
臨之則萬仞難測映白鶴而同高混青天而共色 晉潘尼西道賦曰異
山河之咀阨倦關谷之盤紆車低徊於潛軌馬佗傺於險塗狗肘還勾羊
角互戾勉窟窟重投十數億計石子之澗坎埵之穴支體爲之危竦形骸爲

之疲曳此亦行者之艱難羈旅之困斃若其名坂則羊羔美人特成臯黃
馬迴波激浪飛沙飄瓦馬則頓顛狼傍虺頽玄黃牛則體疲力竭損食喪
膚履蹄穿嶺摩輓脫軀吟晉夏侯湛山路吟曰夙駕兮待明陟山路兮
遐征冒晨朝兮入大谷道逶迤兮嵐氣清攬轡兮抑馬踟躕兮曠野曠野
疆兮透落崇岳兮崑崙丘陵兮連離卉木兮交錯淥水兮長流驚濤兮拂
石宋謝莊山夜憂曰庭光盡山明歸流風乘軒卷明月綠河飛澗鳥鳴
兮夜蟬清橘露靡兮蕙煙輕凌別浦兮值泉躍經喬林兮遇援驚南皇別
鶴佇行漢東鄰孤管入青天沉痾白髮共急日朝露過隙詎餘年年去兮
髮不還金膏玉液豈留顏迴舛拓繩戶收棹掩荆關晉庾肅之山贊
曰懸巖巖巖神明攸居官府風雲懷吐川渠崑閬天竦五岳雲停飛峰紫
蔚辰秀太清晉戴逵山贊曰蔚矣名山亭亭洪秀並基二儀堯堯雲講
嵯峨積岵寥籠虛岫輕霞下拂神泉旁漱曰仁奚樂惟茲比壽晉郭璞
炎山贊曰木含陽氣精構則燃焚之無盡是生火山理見乎微其妙在傳
晉張載劔閣銘曰巖梁山積山戔戔遠屬荆衡近綴岷嶓南通叩

棘比達窠斜狹過彭碣高踰嵩華惟蜀之門作固作鎮是曰劔閣壁立千
仞窮地之險極路之峻世濁則逆道清斯順閉由往漢開自有晉秦得百
二并吞諸侯齊得十二田生獻壽矧茲狹隘土之外區二人荷戟萬夫趨
起形勝之地非親勿居昔在武侯中流而喜山河之固見屈吳起興實在
德險亦難恃洞庭孟門二國不祀自古迄今天命匪易憑阻作昏豈不敗
績公孫既滅劉氏街壁覆車遺軌罔或重跡勒銘山阿敢告梁益晉湛
方生靈秀山銘曰巖巖靈秀積岵幽重傍嶺關岫乘標挺峰桂柏參幹芝
菊亂叢翠雲夕映爽氣晨蒙籠籠疎林穆穆閑房幽室冬暄清陰夏涼神
木奇生靈草真香雲鮮其色風飄其芳可以養性可以栖翔長生久視何
必仙鄉梁簡文帝行雨山銘曰巖畔途遠阿曲路深猶云息馭尚且拘
琴茲峰獨擅嶽峙千變却繞畫房前臨寶殿王岫開華紫水迴斜露間聚
葉澗裏繁沙月映成水人來當花騰結如帷磧起成基芸香馥逆石鏡臨
堦又明月山銘曰迢迢峰長威紆岳聚既正書門兼同天注非競小山
竄論大庾豈學土龍詎須石鼓緌色斜臨霞文橫豎梁孝元帝東宮後

堂仙室山銘曰太華削成本擅奇聲峰如雪委嶺若蓮生雲除紫蓋霞通
赤城金壇是錄玉記題名鳳依桐樹鶴聽琴聲殿接南箕橋連北斗秋河
從帶春禽銜綬朱鳥安窓青龍作牖梁庾有吾東宮玉帳山銘曰玉帳
庾廓崑山抵鵲摠葉成帳連枝起幕玉葉難徙金花不落隱士彈琴仙人
看博巖留故鼎竈聚新荆煮石初爛燒丹欲成桑田屢盡海水頻傾長聞
鳳笛永聽簫聲周庾信梁東宮行雨山銘曰山名行雨地異陽臺春人
無數神女羞來翠幔朝開新粧旦起樹入牀前山來鏡裏草色衫同花紅
面似開年寒盡正月春遊天絲劇藕蝶粉多塵橫藤礙路垂柳係人誰論
洛水一箇河神陳徐陵後堂望美人山銘曰高堂礙雨洛浦無洲何處
相望山邊一樓峰因五婦石是三侯險逾地肺危鄰天柱禁苑斜通春人
恒聚樹裏聞歌枝中見舞恰對粧臺諸窓併開遙看已識試喚便迴豈如
織女非秋不來梁簡文帝神山碑銘曰開號天井山稱地雌碧雞金
馬越瀆梁池懷靈緼德孕寶含奇此亦仙岫英名遠播昔有鷲屈不燒淨
上邁彼高蹤構茲法宇引葉成帷即樹為柱石砌危橫崖階斜豎梁元

帝玄圃牛渚磯碑曰竊以增城九重仙林八樹未有船如鴈鶴時度宓妃
橋似牽牛能分織女丹鳳爲羣紫柱成列清風韻響即代歌仙桂影浮池
仍爲月浦璧月朝暉金樓啓扉畫船向浦錦纜牽磯花飛拂袖荷香入衣
山林朝市併覺忘歸序宋謝靈運名山序曰夫衣食人生之所資山水
性分之所適世識多云歡足本在華堂枕巖漱流者之於大志故保其枯
槁余謂不然君子有愛物之情有救物之能橫流之弊非才不理故時有
屈己以濟彼豈以名利之場賢於清曠之域邪語萬乘則鼎湖有縱轡論
儲貳則嵩山有絕控又陶朱高揖越相留侯願辭漢傳推此而言可以明
矣梁吳筠與施從事書曰故鄣縣東三十五里有青山絕壁干天孤
峰入漢緣嶂百重青川萬轉歸飛之鳥千翼競來企水之猿百臂相接秋
露爲霜春蘿被逕風雨如晦雞鳴不已信足蕩累頤物悟衷散賞又與
朱元思書曰風煙俱淨天山共色從流飄蕩任意東西自富陽至桐廬一
百許里奇山異水天下獨絕水皆漂碧千丈見底游魚細石直視無礙急
湍甚箭猛浪若奔夾峰高山皆生寒樹負勢競上牙相軒邈爭高直指千

百成峰泉水激石泠泠作響好鳥相鳴嚶嚶成韻蟬則千轉不窮猿則百
叫無絕爲飛戾天者望峰息心經綸世務者窺谷忘反橫柯上蔽在晝猶
昏踈條交映有時見日

崑崙山

河圖曰崑崙之墟五城十二樓河水出焉 龍魚河圖曰崑崙山天中柱
也 大荒西經曰赤水之後黑水之前有大山名曰崑崙之丘有神人面
虎身有尾 爾雅曰西北之美者有崑崙之墟璆琳琅玕焉 穆天子傳
曰天子遂宿于崑崙之阿赤水之陽吉日辛酉天子升于崑崙之丘以觀
黃而之宮 紀年曰周穆王十七年西征至崑崙丘見西王母王母止之
神異經曰崑崙有銅柱焉其高入天所謂天柱也圍三千里圓周如削銅
柱下有迴屋焉辟方百丈 事具仙輿史記曰禹本紀言河出崑崙崑崙甚高三
千五百餘里日月所相避隱爲光明也其上醴泉華池自張騫使人夏之
後罷河源惡睹本紀所謂崑崙者乎 水經曰崑崙墟在西北去崑崙高五
萬里地之中也其高萬一千里河水出其東北陬 博物志曰崑崙從廣

萬一千里神物之所生聖人神仙之所集五色雲氣五色之流水其泉東
南流入中國名爲河也 葛仙公傳曰崑崙一曰玄圃一曰積石瑤房一
曰閼風臺一曰華蓋一曰天柱皆仙人所居也 搜神記曰崑崙之山地
首也是惟帝之下都故其外絕以弱水之深又環以炎火之山山上有鳥
獸草木皆生育滋茂於炎火之中故有火潞布非此山之皮泉則其鳥獸
之毛也 **贊** 晉郭璞崑崙丘贊曰崑崙月精水之靈府惟帝下都西羗之
宇嶸然中峙號曰天柱

嵩高山

山海經曰太室之中山其上有木焉葉狀如梨而赤理而名曰指服者不
垢 毛詩曰嵩高惟嶽峻極于天維嶽降神生甫及申 列仙傳曰王子
喬周靈王太子晉也好吹笙作鳳鳴遊伊雒間道士浮丘公接上嵩高山
漢武帝內傳曰武帝夜夢與李少君俱上嵩高山上半道有繡衣使者乘
龍持節從雲中下言太乙君召覺即告近臣曰如朕夢少君將舍朕去矣
劉根別傳曰根棄世學道入中嶽嵩山石室中崢嶸上東南下五十丈北

人冬夏不衣身毛皆長一二尺顏狀如年十五時 仙經云嵩高山東南大巖下石孔方圓一丈四方北入五六里有太室高三十餘丈周圍三百步自然明燭相晃如日月無異中有十六仙人云月光童子常在天台時亦往來此中人非有道不得望見 戴延之西征記曰嵩高山巖中也東謂太室西謂少室相去七十里嵩高總名也 世記曰嵩高山北有大穴莫測其深百姓歲時每遊觀其上晉初嘗有一人誤墮穴中同輩冀其儻不死乃投食於穴中墜者得之爲尋穴而行計可十許日忽曠然見明又有草屋中有二人對坐圍碁局下有一杯白飲墜者告以饑渴暴者曰可飲此墜者飲之氣力十倍半年許乃出于蜀中歸洛下問張華張華曰此仙館大夫所飲者玉漿也 俗說曰傅亮北征在黃河中垂至洛遙見嵩高山于時同從客在坐問傅曰潘安仁懷舊賦云前瞻太室傍眺嵩丘嵩丘太室故是一山何以言傍眺傅曰有嵩丘山去太室七十里此是書寫誤耳 晉郭璞太室山贊曰嵩惟嶽宗華岱恒衡氣通元漠神洞幽明崑崙中立衆山之英

華山

爾雅曰華山爲西嶽 西山經曰太華之山削成而四方其高五千仞其廣十里 晏子曰君子若華山然松柏旣多矣望之盡日不知厭 列仙傳曰脩羊公者魏人止華陰山石室中中有石榻常卧其上石盡陷穿又曰呼子先者漢中關下卜師壽百餘歲臨去呼酒家姬令急裝便有仙人持二茅狗來至子先將一與酒姬因各騎之乃龍也上華陰山常於山大呼言子先酒母在此 華山記曰華山高巖四合重嶺秀起上有石池北有石鼓父老相傳云嘗有聞其鳴者 述征記曰華山對河東首陽山黃河流于二山之間云本一山巨靈所開今睹手跡於華嶽而腳跡在首陽山下 晉郭璞華山贊曰華嶽靈峻削成四方爰有神女是挹玉漿其誰遊之龍駕雲裳 晉傅玄華嶽銘序曰易稱灋象莫大乎天地天以高明崇顯而嶽配焉地以廣厚爲基而嶽體焉若夫太華之爲鎮也五嶽列位而存其首二條分方而處其中故能參兩儀以比德協和氣之綱緼故雲行與雨施興雷風以動物是以古先歷代聖帝明王莫不燔柴加

牲享而祀焉於虞書則西巡狩至于西嶽而親祭焉於禮則大司馬掌其分域而大宗伯典其禮祀也。後漢張昞西嶽華山堂闕碑序曰易曰天地定位山澤通氣然山莫尊於嶽澤莫盛於瀆岳有五而華處其一瀆有四而河在其數其靈也至矣人主廢興必有其應故岱山石立中宗繼統太華授璧秦胡絕緒白魚入舟姬武建業寶珪出水子朝喪位布五方則處其西列三條則居其中世宗入經集靈之宮於其下想松喬之儔是遊是憩郡國方士自遠而至者充巖塞崖鄉邑巫覡宗祝半其中者亦盈谷溢穢咸有浮飄之志愉悅之色必雲霄之路可外而越果繁昌之福可降而致也故殖財之寶黃玉自出令德之珍卿相是毓匪惟嵩高降生中甫斯亦有焉。

衡山

周官曰荊州之鎮山曰衡山。湘中記曰衡山九疑皆有舜廟遙望衡山如陣雲沿湘千里九向九背乃不復見。又曰南陽劉道人嘗遊衡山行數十里有絕谷不得前遙望見三石困二困開一困開。盛弘之荊州記

曰衡山有三峯極秀一峯名芙蓉峯最為竦桀自非清霽素朝不可望見峯上有泉飛瀑如一幅絹分映青林直注山下。異苑曰湘東姚祖太元末為郡吏經衡山望巖下有數年少並執筆作書祖謂是行侶休息乃枉道過之未至百許步少年相與翻然飛颺。詩晉庾闡詩曰北眺衡山首南睨五嶺末寂坐挹虛恬運目情四豁翔亂凌九霄陸鱗困濡沫既體江湖悠安識南溟闊。

廬山

山海經曰廬山名有二一曰天子都二曰天子鄩。伏滔遊廬山序曰廬山者江陽之名嶽其大形也背岷流面彭蠡蟠根所據亘數百里重嶺桀嶂仰插雲日俯瞰川湖之流焉。遠法師廬山記曰東南有香爐山孤峯秀起遊氣籠其上則芬氤若煙。神仙傳曰董奉還豫章廬山下居在山間了不佃作為人治病亦不取錢物使病愈者種杏五株。張野廬山記曰廬山天將雨則有白雲或冠峯巖或亘中嶺俗謂之山帶不出三日必雨。周景式廬山記曰匡裕周威王時生而神靈廬於此山世稱廬君故

山取號焉 又曰登廬山望九江以觀禹之跡其茲峯乎東南隱諸嶺不
得駢囑自廬山人迹所暨迥望處無復出此者又甚高峻每雨其下成潦
而上猶皎日峯頭有大盤石可坐數百人 **宋謝靈運**登廬山絕頂望
諸嶠詩曰積峽忽復啓平塗俄已閑巖龍有合沓往來無蹤轍晝夜蔽日
月冬夏共霜雪 **宋鮑昭**登廬山詩曰懸裝亂水區旅薄次山楹千巖狀
岨積萬壑勢迴縈龍從高昔貌紛亂襲前名洞澗竄地脉踈樹隱天經松
磴上迷密雲竇下縱橫陰冰實夏結炎樹信冬榮 又登廬山望石門詩
曰明發振雲冠升嶠遠栖趾高峯隔半天長崖斷千里雞鳴青澗中猿嘯
白雲裏瑤波逐穴開霞石觸峯起迴互非一形參差悉相似 **梁江淹**登
廬山香爐峯詩曰絳氣下縈薄白雲上杳冥中坐瞰蜿蜒虹俛伏視流星日
落長沙渚曾陰萬里生藉蘭素多意臨風默含情 **宋支曇諦**廬山賦
曰昔哉壯麗峻極氣氲包靈奇以藏器蘊絕峯平青雲景澄則巖岫開鏡
風生則芳林流芬嶺奇故神明鱗萃路絕故人跡自分巖清升山於玄崖
世高垂化於邾亭應真陵雲以踞峯眇忽翳景而入冥咸豫聞其清塵妙

無得之稱名也若其南面巍岬北背遶帶懸雷分流以飛湍七嶺重嶸而
疊勢映以竹栢蔚以檉松縈以三湖帶以九江嗟四物之蕭森爽獨秀於
玄矣美二流之潺湲津百川之所衝峭門百尋峻闕千仞香爐吐雲以像
煙甘泉涌雷而先潤 **梁元帝**廬山碑序曰夫日月麗天皇穹所以貞
觀川嶽帶地后土所以惟寧廬山者亦南國之德鎮雖林石異勢而雲霞
共色長風夜作則萬流俱響晨曉曉吟則百嶺齊應東瞻洪井識曳帛之
在茲西望石梁見指寶之可拾誠後慕類易悲山中難久攀蘿結桂多見
淹留

太行山

山海經曰太行山其首曰歸山其上有金玉下有碧玉 **穆天子傳**曰天
子命駕八駿之乘赤驥之駟南征翔行逕絕翟道升于太行南濟于河
墨子曰墨子請耕桂嶺子曰將上太行駕驥與牛子將誰駟曰將駟驥以
驥足貴也 **尸子**曰龍門魚之難也太行牛之難也以德報怨人之難也
戰國策曰范雎說秦王曰舉兵攻榮陽則成臯之路不通北衝太行之道

則上黨之兵不下王舉兵而攻滎陽則其國斷為三 神仙傳曰王烈入太行山忽聞山東北雷聲往視見山上破數百丈石中有一孔徑尺中有青泥流出烈取搏之隨手堅凝氣味如粳米飯 晉袁宏從征行方山頭詩曰我裁太行凌虛抗勢天嶺父氣竊然無際澄流入神玄谷應契四象悟心幽人來憩

荆山

山海經曰荆山其陰多鐵其陽多赤金 河圖括地象曰荆山為地雌上為軒轅星 韓子曰卞和得玉於楚山中獻厲王王使工人相之曰石也則其左足和抱其璞哭於荆山之下三日泣盡繼之以血 事具水經曰荆山在南郡臨沮縣東北 晉桓玄登荆山詩曰理不孤湛影比有津曾 是名嶽明秀超鄰器栖荒外命契響神我之懷矣巾駕飛輪 梁江淹望荆山詩曰奉詔至江漢始知楚塞長南關繞桐栢西岳出魯陽寒郊無留影秋日懸清光悲風繞重林雲霞肅川漲歲晏君如何零淚霑衣裳

鍾山

徐爰釋門畧曰建康北十餘里有鍾山舊名金山漢末 陵尉蔣子文討賊戰亡靈殤於山因立蔣侯祠故世號曰蔣山 庾闡揚都賦注曰建康宮北十里有蔣山輿地圖謂之鍾山元皇帝未渡江之年望氣者云蔣山上有紫雲時時晨見 山謙之丹陽記曰京師南北皆有連嶺而蔣山獨隆屈峻異其形象龍實揚都之鎮也 孫權葬山南因山為名號曰蔣陵 沈約宋書曰蕭思話領左衛嘗從太祖登鍾山北嶺石上彈琴因賜以銀酒鐘 梁沈約遊鍾山詩曰靈山紀地德地險資岳靈終南表秦館少室邇王城北阜何其峻林薄杳葱青發地多奇嶺干雲非一狀合沓共隱天參差 分相望鬱律構丹巘峻嶒起青嶂即事既多美臨眺殊復奇南矚儲肯觀 西望昆明池山中咸可悅賞逐四時移春光發隴首秋風生桂枝多值息 心侶結架山之足八解鳴澗流四禪隱巖曲 梁虞騫登鍾山下峰望詩曰冠者五六月人攜手巖之際散意百仞端極目千里睇層岫乍昏明浮雲時卷閑遙看野樹短遠望樵人細

北邙山

魏志曰明帝即位欲平北芒今登臺觀見孟津廷尉辛毗諫曰天地之性
高高下下今而反之既非其理加以損費人功民不堪後且若九河盛溢
洪水為害而丘陵皆夷何以禦之帝乃止 朱超石與兄書曰登北芒遠
眺衆美都盡光武墳邊杏甚美今奉送核 詩魏劉伶北芒客舍詩曰決
莽望舒隱黠黠玄夜陰寒難思天曙擁翅吹長音蚊蚋歸豐草枯葉散蕭
林陳醴發碎顏色飲暢真心結被終不曉斯歎信 任何以除斯歎付之
與瑟琴長笛響中夕聞此消胃衿 賦晉張協登北芒賦曰陟巒丘之巘
崦升逶迤之脩坂迴余車於峻嶺聊送目於四遠靈嶽鬱以造天連崗巖
以蹇產伊洛混而東流帝居赫以崇顯山川汨其常兮萬物化而代轉何
天地之難窮悼人生之危淺歎白日之西頽兮哀世路之多蹇於是徘徊
絕嶺踟躕步趾前瞻狼山却闕大岷東眺虎牢西睨熊耳邪亘天際旁極
萬里莽眩眼以茫昧諒群形之難紀臨千仞而俯看似遊身于雲霓撫長
風以延佇想凌天而舉翮瞻冠蓋之悠悠觀商旅之接輅爾乃地勢宏隆
丘墟陂陀墳隴嶮疊基布星羅松林慘映以攢列玄木搜寥而振柯壯漢

氏之所營望五陵之所營 褒貶起而啓壤僅堅茲而作歌

天台山

名山略記曰天台山在剡縣即是衆聖所降葛仙公山也 異苑曰會稽
天台山雖非遐遠自非卒生忘形不能躋也 幽明錄曰漢帝永平五年
剡縣劉晨阮肇共入天台山度山出一大溪溪邊有二女子姿質妙絕遂
留半年懷土思天台元曰親舊零落邑屋改異無復相識訊問得七世孫
孔靈符會稽記曰所以則內則有天台靈嶽玉室璿臺 晉孫綽遊天
台山賦序曰天台山美窮山嶽之神秀者也涉海則有方丈蓬萊登陸則
有四明天台皆玄聖所降遊化靈仙之所窟宅夫其峻極之狀嘉祥之美
窮山海之環富書人神之壯麗夫所以不列於五嶽闕載於常典者豈不
以其所立冥奧其路幽迴或倒景於重溟或匿峰於千嶺始經魑魅之塗
卒踐無人之境舉世罕能登陟王者莫由禋祀理無隱而不彰啓二詩以
示兆赤城霞起而建標瀑布飛流以界道

首陽山

毛詩曰采芣采芣首陽之顛 論語曰伯夷叔齊餓于首陽之下 史記

曰伯夷叔齊孤竹君之二子讓國逃去隱於首陽山採薇而食之遂餓死

首陽山 事見 魏阮籍詩曰步出上東門遙望首陽峯下有采薇士上

有嘉樹林 漢杜篤首陽山賦曰 嗟首陽之孤嶺形勢窟其盤曲回河

源而抗巖隴從隈而相屬長松落落卉木蒙蒙青羅落漠而上覆穴溜滴

瀝而下通高岫帶平巖側洞房隱於雲中忽吾觀兮二老時采薇以從容

於是乎乃訊其所求問其所脩州域鄉黨親戚足傳何務何樂而並茲遊

矣其二老乃答余曰吾殷之遺民也厥胤孤竹作蕃止渭少名叔齊長曰

伯夷聞西伯昌之善教育年艾於胡耆 舉 遂相攜而隨之冀壽命乎餘

壽而天命之不常伊事變而無方昌伏事而畢命子忽遽其不祥乃興師

於牧野遂干戈以伐商乃棄之而來遊誓不步於其鄉余閉口而不食並

卒命於山傍

燕然山

漢書匈奴傳曰貳師引兵還至燕然山單于知漢 勞倦自將五萬騎避

擊貳師軍大亂敗貳師降單于 **銘** 後漢班固燕然山銘曰勒以八陣范

以威神玄甲耀日朱旗終天遂陵高闕下難鹿經磧鹵絕大漠斬溫禺以

累鼓血尸逐以染鐸然後四校橫徂星流彗掃蕭條萬里野無遺寇於是

城滅區殫反旆而旋鑠王師兮征荒裔勦凶虐兮截海外復其邈兮亘地

界封神丘兮建隆碣熙帝載兮振萬世

羅浮山

茅君內傳曰大天之內有地中之洞天三十六所羅浮山之洞周迴五百

里名曰朱明曜真之天 袁彦伯羅浮山疏曰遙望一石樓直上當十餘

里許石樓之於山頂十分之一耳去縣三十里便見山基至所登處當百

里許山皆平敞極目 羅浮山記曰羅浮者蓋物稱為羅羅山也浮浮山

也二山合體謂之羅浮在增城博羅二縣之境 舊說羅浮高三千丈有七

十石室七十二長溪神明神禽玉樹朱草 **詩** 宋王叔之遊羅浮山詩曰

菴藹靈嶽開景神封綿界盤趾中天舉峰孤棲側挺增岫迴重風雲秀體

丹木媚容 **賦** 宋謝靈運羅浮山賦曰客夜夢見延陵茅山在京之東南

明旦得洞經所載羅浮山事云茅山是洞庭口南通羅浮正與夢中意相
會遂感而作羅浮山賦曰若乃茅公之說神化是悉數非億度道單悵惓
窟元洞四有九此惟其七潛夜引輝幽境朗日故曰朱明之陽宮耀真之
陰室洞穴之寶衢海靈之雲術伊離情之易結諒沉念之羅浮發潛夢於
永夜若翹波而乘桴越扶嶼之細漲上增龍之合流鼓蘭櫓以水宿杖桂
策以山遊

九疑山

山海經曰南方蒼梧之丘蒼梧之川其中有九疑山焉舜之所葬在長沙
零陵界 楚辭九歌曰九疑紛兮並近 淮南子曰九疑之南陸事寡而
水事多 漢書曰武帝南巡狩至十盛唐望祀虞舜于九疑事具湘中
記曰九疑山在營道即九山相似行者疑惑故名九疑 名山略記曰九
疑山漢末有張禮正理時有治明期南遊九疑禮正服黃精明期服澤瀉
相實後俱適西城右八虹景方兼以守一內外洞澈東華迎而乘雲升天
詩庾闡採藥詩曰藥靈山嶠結駕登九疑懸巖漏石髓芳谷挺丹芝

冷冷雲珠落淮淮玉蜜滋鮮 景染冰顏妙氣翼真斯 **碑**漢蔡邕九疑山
碑曰巖巖九疑峻極于天髓石膚合興播建雲時風嘉雨浸潤下民芒芒
南上實賴厥勛逮于虞舜聖德光明克諧頑傲以孝蒸蒸師錫帝世堯而
授徵文終文祖琬璣是承泰階以平人以有終遂葬九疑解體而升登此
崔嵬託靈神仙